

大般若波羅蜜多經

第三百四十二

三十五  
致二

47159



皇國  
 佛日  
 增輝  
 佛  
 德  
 輪  
 永  
 轉  
 昌

山城州天安寺法金剛院置

羊西子二  
 重脩



天般若波羅蜜多經卷第三百四十二 致

三藏法師 玄奘奉 詔

初分願喻品第五十六之二

高桂刊

佛言善現善哉善哉如是如是如汝所說善現般若波羅蜜多畢竟離靜慮精進安忍淨戒布施波羅蜜多亦畢竟離善現內空畢竟離外空內外空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空亦畢竟離善現真如畢竟離法界法性不虛妄性不變異性平等性離生性法定法住實際虛空界不思議界亦



畢竟離善現苦聖諦畢竟離集滅道聖諦亦  
畢竟離善現四靜慮畢竟離四無量四無色  
定亦畢竟離善現八解脫畢竟離八勝處九  
次第定十遍處亦畢竟離善現四念住畢竟  
離四正斷四神足五根五力七等覺支八聖  
道支亦畢竟離善現空解脫門畢竟離無相  
無願解脫門亦畢竟離善現極喜地畢竟離  
離垢地發光地焰慧地極難勝地現前地遠  
行地不動地善慧地法雲地亦畢竟離善現  
五眼畢竟離六神通亦畢竟離善現佛十力  
畢竟離四無所畏四無礙解大慈大悲大喜  
捨十八不共法亦畢竟離善現無忘失

法畢竟離恒住捨性亦畢竟離善現一切智  
畢竟離道相智一切相智亦畢竟離善現一  
切陀羅尼門畢竟離一切三摩地門亦畢竟  
離善現一切菩薩摩訶薩行畢竟離善現諸  
佛無上正等菩提畢竟離善現一切智智亦  
畢竟離善現以般若波羅蜜多畢竟離靜慮

精進安忍淨戒布施波羅蜜多亦畢竟離故  
菩薩摩訶薩可得無上正等菩提善現以內  
空畢竟離外空內外空空大空勝義空有  
爲空無爲空畢竟空無際空散空無變異空  
本性空自相空共相空一切法空不可得空  
無性空自性空無性自性空亦畢竟離故菩

薩摩訶薩可得無上正等菩提善現以真如  
畢竟離法界法性不虛妄性不變異性平等  
性離生性法定法住實際虛空界不思議界  
亦畢竟離故菩薩摩訶薩可得無上正等菩  
提善現以苦聖諦畢竟離集滅道聖諦亦畢  
竟離故菩薩摩訶薩可得無上正等菩提善

致

若三十四上

二

桂

現以四靜慮畢竟離四無量四無色定亦畢  
竟離故菩薩摩訶薩可得無上正等菩提善  
現以八解脫畢竟離八勝處九次第定十遍  
處亦畢竟離故菩薩摩訶薩可得無上正等  
菩提善現以四念住畢竟離四正斷四神足  
五根五力七等覺支八聖道支亦畢竟離故

菩薩摩訶薩可得無上正等菩提善現以空  
解脫門畢竟離無相無願解脫門亦畢竟離  
故菩薩摩訶薩可得無上正等菩提善現以  
極喜地畢竟離離垢地發光地焰慧地極難  
勝地現前地遠行地不動地善慧地法雲地  
亦畢竟離故菩薩摩訶薩可得無上正等菩  
提善現以五眼畢竟離六神通亦畢竟離故  
菩薩摩訶薩可得無上正等菩提善現以佛  
十力畢竟離四無所畏四無礙解大慈大悲  
大喜大捨十八不共法亦畢竟離故菩薩  
摩訶薩可得無上正等菩提善現以無忘失  
法畢竟離恒住捨性亦畢竟離故菩薩摩訶

薩可得無上正等菩提善現以一切智畢竟  
離道相智一切相智亦畢竟離故菩薩摩訶  
薩可得無上正等菩提善現以一切陀羅尼  
門畢竟離一切三摩地門亦畢竟離故菩薩  
摩訶薩可得無上正等菩提善現以一切菩  
薩摩訶薩行畢竟離故菩薩摩訶薩可得無  
上正等菩提善現以諸佛無上正等菩提畢  
竟離故菩薩摩訶薩可得無上正等菩提善  
現以一切智智畢竟離故菩薩摩訶薩可得  
無上正等菩提復次善現若般若波羅蜜多  
非畢竟離應非般若波羅蜜多若靜慮精進  
安忍淨戒布施波羅蜜多非畢竟離應非靜

致

若三十四十二

二

栴



慮精進安忍淨戒布施波羅蜜多善現若內  
空非畢竟離應非內空若外空內外空空空  
大空勝義空有爲空無爲空畢竟空無際空  
散空無變異空本性空自相空共相空一切  
法空不可得空無性空自性空無性自性空  
非畢竟離應非外空乃至無性自性空善  
現若真如非畢竟離應非真如若法界法性  
不虛妄性不變異性平等性離生性法定法  
住實際虛空界不思議界非畢竟離應非法  
界乃至不思議界善現若苦聖諦非畢竟離  
應非苦聖諦若集滅道聖諦非畢竟離應非  
集滅道聖諦善現若四靜慮非畢竟離應非

四靜慮若四無量四無色定非畢竟離應非四  
無量四無色定善現若八解脫非畢竟離應  
非八解脫若八勝處九次第定十遍處非畢  
竟離應非八勝處九次第定十遍處善現若  
四念住非畢竟離應非四念住若四正斷四  
神足五根五力七等覺支八聖道支非畢竟

離應非四正斷乃至八聖道支善現若空解  
脫門非畢竟離應非空解脫門若無相無願  
解脫門非畢竟離應非無相無願解脫門善  
現若極喜地非畢竟離應非極喜地若離垢  
地發光地焰慧地極難勝地現前地遠行地  
不動地善慧地法雲地非畢竟離應非離垢

地乃至法雲地善現若五眼非畢竟離應非  
五眼若六神通非畢竟離應非六神通善現  
若佛十力非畢竟離應非佛十力若四無所  
畏四無礙解大慈大悲大喜大捨十八佛不  
共法非畢竟離應非四無所畏乃至十八佛  
不共法善現若無忘失法非畢竟離應非無

致

若三十四

四

桂

忘失法若恒住捨性非畢竟離應非恒住捨  
性善現若一切智非畢竟離應非一切智若  
道相智一切相智非畢竟離應非道相智一  
切相智善現若一切陀羅尼門非畢竟離應  
非一切陀羅尼門若一切三摩地門非畢竟  
離應非一切三摩地門善現若一切菩薩摩

訶薩行非畢竟離應非一切菩薩摩訶薩行  
善現若諸佛無上正等菩提非畢竟離應非  
諸佛無上正等菩提善現若一切智智非畢  
竟離應非一切智智善現以般若波羅蜜多  
畢竟離故名爲般若波羅蜜多以靜慮精進  
安忍淨戒布施波羅蜜多畢竟離故名爲靜  
慮精進安忍淨戒布施波羅蜜多善現以內  
空畢竟離故名爲內空以外空內外空空  
大空勝義空有爲空無爲空畢竟空無際空  
散空無變異空本性空自相空共相空一切  
法空不可得空無性空自性空無性自性空  
畢竟離故名爲外空乃至無性自性空善現

以真如畢竟離故名爲真如以法界法性不  
虛妄性不變異性平等性離生性法定法住  
實際虛空界不思議界畢竟離故名爲法界  
乃至不思議界善現以苦聖諦畢竟離故名  
爲苦聖諦以集滅道聖諦畢竟離故名爲集  
滅道聖諦善現以四靜慮畢竟離故名爲四  
致靜慮以四無量四無色定五畢竟離故名爲四  
若三十四十二無量四無色定善現以八解脫畢竟離故名  
爲八解脫以八勝處九次第定十遍處畢竟  
離故名爲八勝處九次第定十遍處善現以  
四念住畢竟離故名爲四念住以四正斷四  
神足五根五力七等覺支八聖道支畢竟離

故名爲四正斷乃至八聖道支善現以空解  
脫門畢竟離故名爲空解脫門以無相無願  
解脫門畢竟離故名爲無相無願解脫門善  
現以極喜地畢竟離故名爲極喜地以離垢  
地發光地焰慧地極難勝地現前地遠行地  
不動地善慧地法雲地畢竟離故名爲離垢  
地乃至法雲地善現以五眼畢竟離故名爲  
五眼以六神通畢竟離故名爲六神通善現  
以佛十力畢竟離故名爲佛十力以四無所  
畏四無礙解大慈大悲大喜大捨十八佛不  
共法畢竟離故名爲四無所畏乃至十八佛  
不共法善現以無忘失法畢竟離故名爲無

忘失法以恒住捨性畢竟離故名爲恒住捨  
性善現以一切智畢竟離故名爲一切智以  
道相智一切相智畢竟離故名爲道相智一  
切相智善現以一切陀羅尼門畢竟離故名  
爲一切陀羅尼門以一切三摩地門畢竟離  
故名爲一切三摩地門善現以一切菩薩摩

訶薩行畢竟離故名爲一切菩薩摩訶薩行  
善現以諸佛無上正等菩提畢竟離故名爲  
諸佛無上正等菩提善現以一切智智畢竟  
離故名爲一切智智是故善現菩薩摩訶薩  
非不依般若波羅蜜多能證無上正等菩提  
雖非離法能證離法而證無上正等菩提非

不依止甚深般若波羅蜜多是故菩薩摩訶  
薩衆欲得無上正等菩提應勤修學甚深般  
若波羅蜜多時具壽善現白佛言世尊諸菩  
薩摩訶薩所行法義極爲甚深佛言善現如  
是如是如汝所說諸菩薩摩訶薩所行法義  
極爲甚深善現當知諸菩薩摩訶薩能爲難  
事致雖行如是甚深法義而於聲聞獨覺地法若三三四二  
能不作證久爾時善現白言世尊如我解佛所  
說義者諸菩薩摩訶薩所作不難所以者何  
諸菩薩摩訶薩所證法義都不可得能證般  
若波羅蜜多亦不可得證法證者證處證時  
亦不可得世尊諸菩薩摩訶薩觀一切法既



不可得有何法義可爲所證有何般若波羅  
蜜多可爲能證復有何等而可施設證法證  
者證處證時旣尔云何可執由此證得無上  
正等菩提無上菩提尚不可證況證聲聞獨  
覺地法世尊是名菩薩無所得行若菩薩摩  
訶薩能行如是無所得行於一切法得無闇  
障世尊若菩薩摩訶薩聞如是語心不沉沒  
不驚不怖亦不憂悔是行般若波羅蜜多世  
尊是菩薩摩訶薩如是行時不見衆相不見  
我行不見不行不見般若波羅蜜多是我所  
行不見無上正等菩提是我所證亦復不見  
證處時等世尊是菩薩摩訶薩行甚深般若

波羅蜜多時不作是念我遠聲聞及獨覺地  
我近無上正等菩提世尊譬如虛空不作是  
念我去此法若遠若近所以者何虛空無動  
亦無差別無分別故行深般若波羅蜜多諸  
菩薩摩訶薩亦復如是不作是念我遠聲聞  
及獨覺地我近無上正等菩提所以者何甚  
深般若波羅蜜多無分別故世尊譬如幻士  
不作是念幻所似法去我為遠幻具幻師去  
我為近聚集徒眾亦近亦遠所以者何所幻作  
士無分別故行深般若波羅蜜多諸菩薩摩  
訶薩亦復如是不作是念我遠聲聞及獨覺  
地我近無上正等菩提所以者何甚深般若

致

卷三十四十二

七

挂

波羅蜜多無分別故世尊譬如影像不作是念  
我因彼現去我爲近所不因法去我爲遠所  
以者何所現影像無分別故行深般若波羅  
蜜多諸菩薩摩訶薩亦復如是。不作是念我  
遠聲聞及獨覺地我近無上正等菩提所以  
者何甚深般若波羅蜜多無分別故世尊行  
深般若波羅蜜多諸菩薩摩訶薩無愛無憎  
所以者何甚深般若波羅蜜多及一切法愛  
憎自性不可得故世尊如諸如來應正等覺  
無愛無憎行深般若波羅蜜多諸菩薩摩訶  
薩亦復如是。無愛無憎所以者何諸佛菩薩  
愛憎斷故世尊如諸如來應正等覺永斷一

切妄想分別行深般若波羅蜜多諸菩薩摩訶  
訶薩亦復如是伏斷一切妄想分別所以者  
何諸佛菩薩於一切法無分別故世尊如諸  
如來應正等覺不作是念我遠聲聞及獨覺  
地我近無上正等菩提行深般若波羅蜜多  
諸菩薩摩訶薩亦復如是不作是念我遠聲  
聞及獨覺地我近無上正等菩提所以者何  
諸佛菩薩無分別故世尊如諸如來應正等  
覺所變化者不作是念我遠聲聞及獨覺地  
我近無上正等菩提所以者何所變化者無  
分別故行深般若波羅蜜多諸菩薩摩訶薩  
亦復如是不作是念我遠聲聞及獨覺地我

近無上正等菩提所以者何甚深般若波羅  
蜜多無分別故世尊如如來等欲有所作化  
作化者令作彼事而所化者不作是念我能  
造作如是事業所以者何諸所化者無分別  
故甚深般若波羅蜜多亦復如是有所為故  
而勤修習既修習已雖能成辦所作事業而  
致若三十四十二於所作都無分別所以者何甚深般若波羅  
蜜多無分別故世尊譬如工匠或彼弟子有  
所為故造諸機關或女或男若象馬等此諸  
機關雖有所作而於彼事都無分別所以者  
何諸機關事無分別故甚深般若波羅蜜多  
亦復如是有所為故而成立之既成立已雖

能成辨種種事業而於所作都無分別所以  
者何甚深般若波羅蜜多於一切法無分別  
故尔時具壽舍利子問具壽善現言善現爲  
但般若波羅蜜多無分別靜慮精進安忍淨  
戒布施波羅蜜多亦無分別耶善現答言舍  
利子非但般若波羅蜜多無分別靜慮精進  
安忍淨戒布施波羅蜜多亦無分別時舍利  
子復問善現言善現爲色亦無分別受想行  
識亦無分別耶善現爲眼處亦無分別耳鼻  
舌身意處亦無分別耶善現爲色處亦無分  
別聲香味觸法處亦無分別耶善現爲眼界  
亦無分別耳鼻舌身意界亦無分別耶善現

為色界亦無分別聲香味觸法界亦無分別  
耶善現為眼識界亦無分別耳鼻舌身意識  
界亦無分別耶善現為眼觸亦無分別耳鼻  
舌身意觸亦無分別耶善現為眼觸為緣所  
生諸受亦無分別耳鼻舌身意觸為緣所生  
諸受亦無分別耶善現為地界亦無分別

致

若三十四十二

九

桂

水火風空識界亦無分別耶善現為無明亦  
無分別行識名色六處觸受愛取有生老死  
亦無分別耶善現為內空亦無分別外空內  
外空空空大空勝義空有為空無為空畢竟  
無際空散空無變異空本性空自相空共相  
空一切法空不可得空無性空自性空無性

自性空亦無分別耶善現爲真如亦無分別  
法界法性不虛妄性不變異性平等性離生  
性法定法住實際虛空界不思議界亦無分  
別耶善現爲苦聖諦亦無分別集滅道聖諦  
亦無分別耶善現爲四靜慮亦無分別四無  
量四無色定亦無分別耶善現爲八解脫亦  
無分別八勝處九次第十遍處亦無分別耶  
善現爲四念住亦無分別四正斷四神足五  
根五力七等覺支八聖道支亦無分別耶善  
現爲空解脫門亦無分別無相無願解脫門  
亦無分別耶善現爲極喜地亦無分別離垢  
地發光地焰慧地極難勝地現前地遠行地



不動地善慧地法雲地亦無分別耶善現爲  
五眼亦無分別六神通亦無分別耶善現爲  
佛十力亦無分別四無所畏四無礙解大慈  
大悲大喜大捨十八不共法亦無分別耶  
善現爲無忘失法亦無分別恒住捨性亦無  
分別耶善現爲一切智亦無分別道相智一

切相智亦無分別耶善現爲一切陀羅尼門  
亦無分別一切三摩地門亦無分別耶善現  
爲預流果亦無分別一來不還阿羅漢果獨  
覺菩提亦無分別耶善現爲一切菩薩摩訶  
薩行亦無分別諸佛無上正等菩提亦無分  
別耶善現爲有爲界亦無分別無爲界亦無分

別耶善現荅言舍利子色亦無分別受想行  
識亦無分別舍利子眼處亦無分別耳鼻舌  
身意處亦無分別舍利子色處亦無分別聲  
香味觸法處亦無分別舍利子眼界亦無分  
別耳鼻舌身意識界亦無分別舍利子色界亦  
無分別聲香味觸法界亦無分別舍利子眼  
識界亦無分別耳鼻舌身意識界亦無分別  
舍利子眼觸亦無分別耳鼻舌身意觸亦無  
分別舍利子眼觸為緣所生諸受亦無分別  
耳鼻舌身意觸為緣所生諸受亦無分別舍  
利子地界亦無分別水火風空識界亦無分  
別舍利子無明亦無分別行識名色六處觸

致

若三十四十二

十

桂

受愛取有生老死亦無分別舍利子內空六  
無分別外空空內外空空大空勝義空有爲  
空無爲空畢竟空無際空散空無變異空本  
性空自相空共相空一切法空不可得空無  
性空自性空無性自性空亦無分別舍利子  
真如亦無分別法界法性不虛妄性不變異  
性平等性離生性法定法住實際虛空界不  
思議界亦無分別舍利子苦聖諦亦無分別  
集滅道聖諦亦無分別舍利子四靜慮亦無  
分別四無量四無色定亦無分別舍利子八  
解脫亦無分別八勝處九次第定十遍處亦  
無分別舍利子四念住亦無分別四正斷四

神足五根五力七等覺支八聖道支亦無分別  
舍利子空解脫門亦無分別無相無願解  
脫門亦無分別舍利子極喜地亦無分別離  
垢地發光地焰慧地極難勝地現前地遠行  
地不動地善慧地法雲地亦無分別舍利子  
五眼亦無分別六神通亦無分別舍利子佛  
十力亦無分別四無所畏十一四無礙解大慈大  
悲大喜大捨十八不共法亦無分別舍利  
子無忘失法亦無分別恒住捨性亦無分別  
舍利子一切智亦無分別道相智一切相智  
亦無分別舍利子一切陀羅尼門亦無分別  
一切三摩地門亦無分別舍利子預流果亦

若三十四十二

十一

律

無分別一來不還阿羅漢果獨覺菩提亦無  
分別舍利子一切菩薩摩訶薩行亦無分別  
諸佛無上正等菩提亦無分別舍利子有爲  
界亦無分別無爲界亦無分別舍利子言善  
現若一切法皆無分別云何而有地獄傍生  
鬼界人天五趣差別云何復有修預流一來  
不還阿羅漢獨覺菩薩諸佛位異善現言舍  
利子有情顛倒煩惱因緣造作種種身語意  
業由此感得欲爲根本業異熟果依此施設  
地獄傍生鬼界人天五趣差別言云何有修  
預流等諸位異者舍利子無分別故有修預  
流及預流果無分別故有修一來及一來果無

分別故有修不還及不還果無分別故有修  
阿羅漢及阿羅漢果無分別故有修獨覺及  
獨覺菩提無分別故有修菩薩摩訶薩及菩  
薩摩訶薩道無分別故有修如來應正等覺  
及佛無上正等菩提舍利子過去如來應正  
等覺由無分別分別斷故可施設有未來如  
來應正等覺亦無分別分別斷故可施設有  
現在十方諸佛世界一切如來應正等覺現  
說法者亦無分別分別斷故可施設有舍利  
子由此因緣知一切法皆無分別以無分別  
真如法界法性實際爲定量故舍利子菩薩  
摩訶薩應行如是無分別相甚深般若波羅

蜜多若行如是無分別相甚深般若波羅蜜  
多便能證得無分別相所求無上正等菩提  
初分堅等讚品第五十七

時舍利子問善現言菩薩摩訶薩行深般若  
波羅蜜多時為行堅實法為行無堅實法耶

善現答言菩薩摩訶薩行深般若波羅蜜多

致

若三十四十二

十二

桂

時為行無堅實法不為行堅實法何以故舍

利子般若波羅蜜多無堅實故靜慮精進安

忍淨戒布施波羅蜜多亦無堅實故舍利子

內空無堅實故外空內外空空大空勝義

空有為空無為空畢竟空無際空散空無變

異空本性空自相空共相空一切法空不可

得空無性空自性空無性自性空亦無堅實  
故舍利子真如無堅實故法界法性不虛妄  
性不變異性平等性離生性法定法住實際  
虛空界不思議界亦無堅實故舍利子苦聖  
諦無堅實故集滅道聖諦亦無堅實故舍利  
子四靜慮無堅實故四無量四無色定亦無  
堅實故舍利子八解脫無堅實故八勝處九  
次第定十遍處亦無堅實故舍利子四念住  
住無堅實故四正斷四神足五根五力七等  
覺支八聖道支亦無堅實故舍利子空解脫  
門無堅實故無相無願解脫門亦無堅實故  
舍利子極喜地無堅實故離垢地發光地焰



慧地極難勝比現前地遠行地不動地善慧  
地法雲地亦無堅實故舍利子五眼無堅實  
故六神通亦無堅實故舍利子佛十力無堅  
實故四無所畏四無礙解大慈大悲大喜大  
捨十八佛不共法亦無堅實故舍利子無忘  
失法無堅實故恒住捨性亦無堅實故舍利  
子一切智無堅實故道相智一切相智亦無  
堅實故舍利子一切陀羅尼門無堅實故一  
切三摩地門亦無堅實故舍利子一切菩薩  
摩訶薩行無堅實故諸佛無上正等菩提亦  
無堅實故舍利子一切智智無堅實故所以  
者何舍利子菩薩摩訶薩行深般若波羅蜜

教

卷三十四十二

十三

林

多時於般若波羅蜜多尚不見無堅實可得  
況見有堅實可得於靜慮精進安忍淨戒布  
施波羅蜜多亦尚不見無堅實可得況見有  
堅實可得舍利子菩薩摩訶薩行深般若波  
羅蜜多時於內空尚不見無堅實可得況見  
有堅實可得於外空內外空空大空勝義  
空有爲空無爲空畢竟空無際空散空無變  
異空本性空自相空共相空一切法空不可  
得空無性空自性空無性自性空亦尚不見  
無堅實可得況見有堅實可得舍利子菩薩  
摩訶薩行深般若波羅蜜多時於真如尚不  
見無堅實可得況見有堅實可得於法界法

性不虛妄性不變異性平等性離生性法定  
法住實際虛空界不思議界亦尚不見無堅  
實可得況見有堅實可得舍利子菩薩摩訶  
薩行深般若波羅蜜多時於苦聖諦尚不見  
無堅實可得況見有堅實可得於集滅道聖諦  
亦尚不見無堅實可得況見有堅實可得舍

利子菩薩摩訶薩行深般若波羅蜜多時於  
四靜慮尚不見無堅實可得況見有堅實可  
得於四無量四無色定亦尚不見無堅實可  
得況見有堅實可得舍利子菩薩摩訶薩行  
深般若波羅蜜多時於八解脫尚不見無堅  
實可得況見有堅實可得於八勝處九次第

定十遍處亦尚不見無堅實可得況見有堅  
實可得舍利子菩薩摩訶薩行深般若波羅  
蜜多時於四念住尚不見無堅實可得況見  
有堅實可得於四正斷四神足五根五力七  
等覺支八聖道支亦尚不見無堅實可得況  
見有堅實可得舍利子菩薩摩訶薩行深般  
若波羅蜜多時於空解脫門教尚不見無堅實考三ノ四十二  
可得況見有堅實可得於無相無願解脫門上  
亦尚不見無堅實可得況見有堅實可得舍  
利子菩薩摩訶薩行深般若波羅蜜多時於  
極喜地尚不見無堅實可得況見有堅實可  
得於離垢地發光地焰慧地極難勝地現前

地遠行地不動地善慧地法雲地亦尚不見  
無堅實可得況見有堅實可得舍利子菩薩  
摩訶薩行深般若波羅蜜多時於五眼尚不  
見無堅實可得況見有堅實可得於六神通  
亦尚不見無堅實可得況見有堅實可得舍  
利子菩薩摩訶薩行深般若波羅蜜多時於  
佛十力尚不見無堅實可得況見有堅實可  
得於四無所畏四無礙解大慈大悲大喜大  
捨十八佛不共法亦尚不見無堅實可得況  
見有堅實可得舍利子菩薩摩訶薩行深般  
若波羅蜜多時於無忘失法尚不見無堅實  
可得況見堅實可得於恒住捨性亦尚不見

無堅實可得況見有堅實可得舍利子菩薩  
摩訶薩行深般若波羅蜜多時於一切智尚  
不見無堅實可得況見有堅實可得於道相  
智一切相智亦尚不見無堅實可得況見有  
堅實可得舍利子菩薩摩訶薩行深般若波  
羅蜜多時於一切陀羅尼門尚不見無堅實  
可得致況見有堅實可得於一切三摩地門亦十五  
尚不見無堅實可得況見有堅實可得舍利  
子菩薩摩訶薩行深般若波羅蜜多時於一  
切菩薩摩訶薩行尚不見無堅實可得況見  
有堅實可得於佛無上正等菩提亦尚不見  
無堅實可得況見有堅實可得舍利子菩薩

摩訶薩行深般若波羅蜜多時於一切智智  
尚不見無堅實可得況見有堅實可得尔時  
有無量欲色界天子咸作是念若善男子善  
女人等能發無上正等覺心如深般若波羅  
蜜多所說義行不證實際平等法性不墮聲  
聞及獨覺地是菩薩摩訶薩由此因緣甚為  
希有能為難事應當敬礼具壽善現知諸天  
子心之所念便告之言是菩薩摩訶薩不證  
實際平等法性不墮聲聞及獨覺地未甚希  
有不足為難若菩薩摩訶薩知一切法及諸  
有情皆不可得而發無上正等覺心探功德  
鎧為度無量無數無邊百千有情令得究竟

無餘涅槃是菩薩摩訶薩乃甚希有能爲難  
事天子當知是菩薩摩訶薩雖知有情都無  
所有而發無上正等覺心掬功德鎧爲欲調  
伏諸有情類如有爲欲調伏虛空所以者何  
諸天子虛空離故當知一切有情亦離虛空  
空故當知一切有情亦空虛空不堅實故當  
知一切有情亦不堅實虛空無所有故當知  
一切有情亦無所有以是故諸天子是菩薩  
摩訶薩甚爲希有能爲難事天子當知諸菩  
薩摩訶薩掬大悲鎧爲欲調伏一切有情而  
諸有情都無所有如有掬鎧與虛空戰天子  
當知諸菩薩摩訶薩掬大悲鎧爲欲利樂一



切有情而諸有情及大悲鎧俱不可得所以  
者何諸天子有情離故此大悲鎧當知亦離  
有情空故此大悲鎧當知亦空有情不堅實  
故此大悲鎧當知亦不堅實有情無所有故  
此大悲鎧當知亦無所有天子當知諸菩薩  
摩訶薩調伏利樂諸有情事亦不可得所以  
者何有情離故此調伏利樂事當知亦離有  
情空故此調伏利樂事當知亦空有情不堅  
實故此調伏利樂事當知亦不堅實有情無  
所有故此調伏利樂事當知亦無所有天子  
當知諸菩薩摩訶薩亦無所有所以者何諸  
天子有情離故此當知菩薩摩訶薩亦離有情

空故當知菩薩摩訶薩亦空有情不堅實故  
當知菩薩摩訶薩亦不堅實有情無所有故  
當知菩薩摩訶薩亦無所有諸天子若菩薩  
摩訶薩聞如是事心不沉沒不驚不怖亦不  
憂悔當知是菩薩摩訶薩行深般若波羅蜜多

時宗源書

大般若波羅蜜多經卷第三百四十二 致

探音患貫鎧苦改反又苦

高桂刀

大檀越成忠趙安國一力刊經一部六百卷



